

四庫全書

經部

欽定四庫全書

春秋纂言總例卷六

元 吳澄 撰

凶禮

崩

天王崩

平王也魯隱三年

不書葬

天王崩

桓王也魯桓十五年

葬桓王

莊三年七年始葬或云改葬也

莊王魯莊十二年崩

不書

僖王魯莊十七年崩

不書

天王崩

惠王也魯
僖八年

不書葬

天王崩

襄王也魯
文八年

葬襄王

文九年

頃王魯文十四年崩

不書

天王崩

匡王也魯
宣二年

葬匡王

宣三年
三月而葬

天王崩

定王也魯
成五年

不書葬

天王崩

簡王也魯
襄元年

葬簡王

襄二年
五月而葬

天王崩

靈王也魯襄
二十八年

不書葬

天王崩

景王也魯昭
二十二年

葬景王

同上年
三月而葬

王子猛卒

悼王也未踰年故不稱天
王不曰崩魯昭二十二年

春秋十三王敬王崩在春秋後其十二王書崩者
九不書崩者三九王之崩書葬者五不書葬者四
趙氏曰王崩三不書王室不告魯不赴也王室無
人諸侯不臣也啖氏曰天王之葬魯會則書不書
者皆不會也王猛未踰年之王卒特加子字澄按
經書王子有以氏書者王子虎是也有以屬書者
王子朝是也王子猛之書則非以其氏非以其屬
蓋天子諸侯之嗣位而未踰年者稱子于上加王
字者表其為天王未踰年之子
以別於諸侯未踰年之子也

薨

公薨

隱公也
十一

不書葬

公薨于齊

十八 桓公也

葬我君桓公

同上 九月乃葬

公薨于路寢

三十三 莊公也

葬我君莊公

閏十一月乃葬

子般卒

莊公長子

公薨

二 閔公也

不書葬

公薨于小寢

三十三 僖公也

葬我君僖公

文元

公薨于臺下

十八 文公也

葬我君文公

同上 年

子卒

文公嫡子

公薨于路寢

十八 宣公也

葬我君宣公

成元

公薨于路寢

成公也十八

葬我君成公

同上年

公薨于楚宮

襄公也三十一

葬我君襄公

同上年

子野卒

襄公長子

公薨于乾侯

昭公也三十二

葬我君昭公

定元八月乃葬

公薨于高寢

定公也十五

葬我君定公

同上年

魯君之薨十一未成君而卒者三附見公薨而葬者九不葬者二啖氏曰公薨必書其所詳內事重凶變也若遇葬則不地公葬皆書惟隱公閔公不書者言賊不討如不葬然也未踰年君不書薨而曰卒未成君也先君未葬則名既葬則不名未踰年不書葬無子不列序於廟也

夫人子氏薨

隱公夫人也謂隱母桓母者非

夫人姜氏薨

桓公夫人文姜莊公母也莊二十一

葬我小君文姜

莊二十二七月乃葬

夫人姜氏薨于夷

莊公夫人哀姜也僖元

葬我小君哀姜

僖二〇十一月乃葬

夫人姜氏薨

僖公夫人聲姜文公母也文十六

葬我小君聲姜

文十七九月乃葬

夫人姜氏薨

宣公夫人穆姜成公母也襄九

葬我小君穆姜

同上年四月而葬

夫人姜氏薨

成公夫人齊姜也襄二

葬我小君齊姜

同上年三月而葬

孟子卒

昭公夫人也哀十二

如氏卒

定公夫人定如哀公母也定十五

葬定如

同上年三月而葬

夫人之尊與君同故薨葬一如君禮昭公夫人以異女同姓不可書夫人姬氏卒故從其生時隱諱之稱而曰孟子卒無諡不列於廟故亦不書葬定夫人不書薨不書葬小君哀未成君而魯臣不以夫

人之禮喪
其君母也

夫人風氏薨

莊公妾僖公母也文四

葬我小君成風

文四五月葬

夫人嬴氏薨

文公妾宣公母也宣公

葬我小君敬嬴

同上年四月葬

夫人如氏薨

成公妾襄公母也襄四

葬我小君定如

同上年踰月而葬

夫人歸氏薨

襄公妾昭公母也昭十一

葬我小君齊歸

同上年四月葬

妾母借用夫人禮者四書薨書葬並與嫡夫人無別
味氏曰成風之後妾母皆借用夫人禮故亦書薨
以著其非諸侯不二嫡桓公母仲子猶別築宮不
列於廟自文公葬成風之後乃有二夫人祔廟非
禮也澄謂僖宣襄昭四妾母羣臣皆逢君之意而
尊其母及至定哀之際君弱臣彊嗣君之母先
君之嫡夫人也乃敢蔑視其君而卑其母焉甚矣
魯道之衰也

卒

宋

穆公和七年春秋始

宋公和卒

穆公也隱二

葬宋穆公

同上

殤公與夷

桓二弑

宋公馮卒

莊公也
莊二

葬宋莊公

莊三

閔公

莊十一弑

宋公御說卒

桓公也
僖九

宋公茲父卒

襄公也
僖二十二

宋公王臣卒

成公也
文七

昭公杵臼

文十六弑

宋公鮑卒

文公也
成二

葬宋文公

成三

宋公固卒

共公也 成十四

葬宋共公

同上

宋公成卒

平公也 昭十

葬宋平公

昭十一

宋公佐卒于曲棘

元公也 昭二十五

葬宋元公

昭二十六

景公

頭曼三十六年春秋終宋之君書卒者九書葬者六

衛

桓公完十三年春秋始

桓公完

隱四弑

葬衛桓公

隱五賊討十五年乃葬

衛侯晉卒

宣公也 桓十二

葬衛宣公

桓十三

衛侯朔卒

惠公也
莊二十五

懿公赤

閔二狄所滅

衛侯燬卒

文公也
僖二十五

葬衛文公

同上

衛侯鄭卒

成公也
宣九

葬衛穆公

成三

衛侯速卒

穆公也
成二

葬衛定公

成十五

衛侯臧卒

定公也
成十四

衛侯伋卒

獻公也
襄二十九

葬衛獻公

同上

衛侯惡卒

襄公也
昭七

葬衛襄公

同上

衛侯元卒

靈公也
哀二

葬衛靈公

同上

出公輒十二年春秋終衛之君書卒

者九書葬者七弑而書葬者一

蔡

宣公考父二十八年春秋始

蔡侯考父卒

宣公也
隱八

葬蔡宣公

同上

蔡侯封人卒

桓侯也
桓十七

葬蔡桓侯

同上

哀公獻舞

莊十九卒于楚

蔡侯肸卒

穆公也
僖十四

莊公甲午

文十五卒

蔡侯申卒

文公也
宣十七

葬蔡文公

同上

景公固

襄三十弑

葬蔡景公

襄三十

靈公般

昭十一楚殺之

葬蔡靈公

昭十三二十一月國復乃葬

蔡侯廬卒

平公也
昭二十

葬蔡平公

昭二十

蔡侯東國卒于楚

悼公也
昭二十三

昭公申

哀四盜殺

葬蔡昭公

哀四十一月乃葬

成公朔十年春秋終蔡之君書卒者

六書葬者四弑殺而書葬者三

陳

桓公鮑二十三年春秋始

陳侯鮑卒

桓公也
桓五

葬陳桓公

同上

陳侯躍卒

厲公也
桓十二

陳侯林卒

莊公也
莊元

葬陳莊公

莊二

陳侯杵臼卒

宣公也
僖十二

葬陳宣公

僖十三

陳侯款卒

穆公也
僖二十八

陳侯朔卒

共公也
文十三

靈公平國

宣十弒

葬陳靈公

宣十二賊討國
復二十一月葬

陳侯午卒

成公也
襄四

葬陳成公

同上

陳侯溺卒

哀公也
昭八年

葬陳哀公

同上國滅
七月乃葬

陳侯吳卒

惠公也
定四年

葬陳惠公

同上

陳侯柳卒

懷公也
定八年

葬陳懷公

同上

閔公

趙二十一年春秋終陳之君書
卒者十書葬者七弑而書葬者一

齊

僖公祿父九年春秋始

齊侯祿父卒

僖公也
桓十四

葬齊僖公

桓十四

襄公

諸兒
莊八年弑

葬齊襄公

莊九年
九月乃葬

齊侯小白卒

桓公也
僖十七

葬齊桓公

僖十八
九月乃葬

齊侯昭卒

孝公也
僖二十七年

葬齊孝公

同上

齊侯潘卒

昭公也
文十四

懿公商人

文十八弒

齊侯元卒

惠公也
宣十

葬齊惠公

同上

齊侯無野卒

頃公也
成九

葬齊頃公

同上

齊侯環卒

靈公也
襄十九

葬齊靈公

同上

莊公光

襄二十五弒

齊侯杵臼卒

景公也
哀五

葬齊景公

同上

孺子荼

哀六弒

齊侯陽生卒

悼公也
哀十

葬齊悼公

同上

簡公十四年春秋終齊之君書卒者九書葬者八弒而書葬者一

晉

鄂侯郗二年春秋始

哀侯光

小子侯

侯緡

武公稱

晉侯佹諸卒

獻公也
僖九

晉侯夷吾卒

惠公也
僖二十四

晉侯重耳卒

文公也
僖三十二

葬晉文公

僖三十三

晉侯驩卒

襄公也
文六

葬晉襄公

同上

靈公夷皋

宣二弑

晉侯黑臀卒于扈

成公也
宣九

晉侯孺卒

景公也
成十

厲公州蒲

成十八

晉侯周卒

悼公也
襄十四

葬晉悼公

襄十六

晉侯彪卒

平公也
昭十

葬晉平公

同上

晉侯夷卒

昭公也
昭十六

葬晉昭公

同上

晉侯去疾卒

頃公也
昭三十

葬晉頃公

同上

定公午三十一年春秋終晉

之君書卒者十書葬者六

曹

桓公終生三十四年春秋一始

曹伯終生卒

桓公也
桓十

葬曹桓公

同上

曹伯射姑卒

莊公也
莊二十三

葬曹莊公

莊二十四

僖公赤

莊二十二卒不書

曹伯班卒

昭公也
僖七

葬曹昭公

同上

曹伯襄卒

共公也
丈九

葬曹共公

同上

曹伯壽卒

丈公也
宣十四

葬曹文公

同上

曹伯廬卒于師

宣公也
成十三

葬曹宣公

同上

曹伯負芻卒于師

成公也
襄十八

葬曹成公

襄十九

曹伯滕卒

武公也
昭十四

葬曹武公

同上

曹伯須卒

平公也
昭十八

葬曹平公

同上

曹伯午卒

悼公也
昭二十七

葬曹悼公

昭二十八

聲公野

昭三十二 不書

隱公甫

定四 不書

曹伯露卒

靖公也
定八

葬曹靖公

同上

伯陽魯哀八年國亡曹之君

書卒者十一書葬亦十一

鄭

莊公寤生二十二年春秋始

鄭伯寤生卒

莊生也
桓十一

葬鄭莊公

同上

鄭伯突卒

厲公也
莊二十

葬鄭厲公

同上

鄭伯捷卒

文公也
僖二十二

鄭伯蘭卒

穆公也
宣三

葬鄭穆公

同上

靈公夷

宣四
弒

鄭伯堅卒

襄公也
成四

葬鄭襄公

同上

鄭伯費卒

悼公也
成六

鄭伯賁卒

成公也
襄二

鄭伯髡頑卒于鄆

僖公也
襄七

葬鄭僖公

襄八

鄭伯嘉卒

簡公也
昭十二

葬鄭簡公

鄭伯蠆卒

獻公也
定九

葬鄭獻公
同上

聲

公勝二十年春秋終鄭之
君書卒者十書葬者七

秦

文公四十二年春秋始

寧

公

出

子

武

公

德

公

宣

公

成

公

穆

公

任好

秦伯瑩卒

康公也
文十八

秦伯稻卒

共公也
宣四

秦伯卒

桓公榮也
成十四

秦伯卒

景公厚也
昭四

葬秦景公

昭六

秦伯卒

哀公也
定九

葬秦哀公

同上

秦伯卒

惠公也
哀三

葬秦惠公

哀四

悼公十一年春秋終秦之

君書卒者六書葬者三

杞

武公二十九年春秋始

靖公

共公

惠公

杞子卒

成公也
僖二十三

杞伯姑容卒

桓公也
襄六

葬杞桓公

同上

杞伯勾卒

孝公也
襄二十三

葬杞孝公

同上

杞伯益姑卒

文公也
昭六

葬杞文公

同上

杞伯郁釐卒

平公也
昭二十四

葬杞平公

同上

杞伯成卒于會

悼公也
定四

葬杞悼公

同上

杞伯過卒

僖公也
哀八

葬杞僖公

閔公維六年春秋終杞之

君書卒者七書葬者六

楚

武王熊通十九年春秋始

文王熊賢

堵敖熊羆

成王顧

文元弒

穆王商臣

楚子旅卒

莊王也
宣十八

楚子審卒

共王也
襄十三

楚子昭卒

康王也
襄二十八

楚子麇卒

昭元 郊教也

靈王度

昭十三 弒

楚子居卒

平王也 昭二十六

楚子軫卒

昭王也 哀六

惠王章八年春秋終楚之君書卒者六不書葬者葬必舉號楚僭王號以避僭故削而不書

吳壽夢始書卒

吳子乘卒

壽夢也 襄十二

吳子遏伐楚門于巢卒

諸樊也 襄二十五

餘祭

襄二十九弒

吳子夷末卒

昭十五

僚

昭二十七弒

吳子光卒

閻閻也
定十四

夫差十五年春秋終吳之君書卒者四吳亦僭稱王又未能用夏禮變蠻俗其死無諡故不

可書

葬

滕

滕侯卒

隱七

滕子卒

宣九

滕子卒

成十六

滕子原卒

昭成公也

葬滕成公

同上

滕子寧卒

悼昭公也

葬滕悼公

同上

滕子結卒

頃哀公也

葬滕頃公

同上

滕子虞母卒

隱哀公也

葬滕隱公

同上

滕

之君書卒者
七書葬者四

薛

薛伯卒

莊三十一

薛伯穀卒

獻公也
昭三十一

葬薛獻公

同上

薛伯定卒

襄公也
定十二

葬薛襄公

同上

薛伯夷卒

惠公也
哀十

葬薛惠公

同上

薛之君書卒者

四書葬者三

邾

邾子克卒

莊十六

邾子瑱卒

莊二十八

邾子遽蔭卒

文十三

邾子矍且卒

成十七

邾子綏卒

襄十七

邾子華卒

悼公也
昭元

葬邾悼公

同上

邾子穿卒

莊公也
定三

葬邾莊公

同上

邾之君書卒者

七書葬者二

莒

莒子朱卒

成十四

莒子去疾卒

昭十四

莒之君書卒者二莒棄
周禮死無諡故不書葬

許

許男新臣卒

僖公也
穆公也

葬許穆公

同上

許男業卒

僖公也
文五

葬許僖公

文六

許男錫我卒

昭公也
宣十七

葬許昭公

同上

許男甯卒于楚

靈公也
襄二十八

葬許靈公

同上

悼公買

昭十九弒

葬許悼公

同上

許男成卒

元公也
哀十三

葬許元公

同上

許之君書卒者五書葬者

亦五弒而書葬者一

宿

宿男卒

隱八

宿之君書卒者一宿微國服從於宋故隱元年

魯宋盟於其國至八年而告喪於魯以後經

不再書蓋莊十年宋人遷宿自

是為宋私屬不復列於諸侯矣

以上書諸侯之卒者十八國禮云天子曰崩諸侯曰薨大夫曰卒諸侯國君之薨但書曰卒何也春

秋魯史臣薨者我君之有凶變也臣子愛敬於君所不願聞故諱辟其名而於他國君薨俾降從大夫但書曰卒也鄰國生則有朝會相見聘問往來之禮死則在彼告終稱嗣而在此往弔其喪往會其葬也凡經不書卒由彼不計不書葬由此不會也亦或有因他故者而大槩不出乎是

尹氏卒

尹邑不稱名者蓋天王崩為諸侯之主凡天子諸侯之大夫有當書名者無君在上則例皆不

名隱三

王子虎卒

陸氏曰無采地但言王子澄按虎即僖二十九年盟于翟泉之王人也王朝一

命之下士故不稱名而稱人至文三年又八年矣疑已升為三命之上士故書氏名而亦有諡諡為文公也或謂王子非氏但以其屬之貴而書則不當書卒亦不當有諡也文三

劉卷卒

趙氏曰畿內諸侯不同列國故不言劉子卷卒澄按劉者邑其爵為子卒不稱爵而

稱名蓋畿內之國厭於王故以邑配名與三命之氏配名者畧等也定四

葬劉文公

同上年趙氏曰天子畿內諸侯列國

不當與行交往之禮
今會其葬非禮也

以上書王臣之卒者三趙氏曰王臣無外交之禮死而赴告非禮也故書以譏澄按三王臣三書卒各一例

公子益師卒

隱元

○無駭卒

公子某字展者之孫也隱八

○挾

卒

隱九

三臣之族世未詳蓋師隱公先君之命卿無駭
挾未三命非卿也書卒者蓋隱公攝立譙讓不
自命卿而以再命之大夫攝卿無駭再命稱名
而官司空且帥師是居卿位行卿事矣挾疑亦
是大夫攝卿故並書卒至桓莊之時若柔若溺
雖會盟會伐而不書卒再命之大夫非卿故也
蓋師無駭挾三人之外有四族六氏其世可考
譜以明之與隱桓兄弟者為一世莊二閔僖三
文四宣五成六襄七昭定
八哀九十二公凡九世云

公子彊卒

傳伯也孝公
之子隱五

○公孫達辰伯也

○臧孫

辰卒

文仲也彊之孫達
之子二世文十

○臧孫許卒

宣叔也辰
之子三世

成
四 ○臧孫純武仲也

許之子四世

孝公之族一氏
書卒者三

公子慶父共仲也
桓公之子二世

○公孫敖卒于齊

穆伯也慶父
之子三世文

十 ○仲孫穀文伯也
四 ○教之子四世

○仲孫蔑卒

獻子也穀之
子五世襄十

九 ○仲孫速卒

莊子也蔑之子
六世襄二十二

○仲孫羯卒

孝

也速之子七
世襄三十一

○仲孫貜卒

僖子也羯之子
八世昭二十四

○仲

何忌懿子也
○仲孫貜武伯也
貜之子九世
○何忌之子十世

公子牙卒

僖叔也桓公之
子二世莊三十

○公孫兹卒

戴伯也牙
之子三世

僖十 ○叔孫得臣卒

莊叔也兹之
子四世宣五

○叔孫豹卒

穆子也得臣之

○叔孫婼卒

昭子也豹之子
○

叔孫不敢卒

成子也婼之

○叔孫州仇武叔也

○叔孫舒文子也

州仇之子九世

公子季友卒

成季也桓公之

○公孫無逸季

○季

孫行父卒

文子也季友之孫無

○季孫宿卒

武

也行父之子

○季孫紇悼子也

○季孫意如卒

平子也紇之

○季孫斯卒

桓子也意如之

○季

子七世定四

肥康子也斯

之子九世

桓公之族三氏書卒者十六仲
孫氏五叔孫氏六季孫氏四

公子仲遂卒于垂

襄仲也莊公之
子三世宣八

○公孫歸父仲
遂之子四世

○仲嬰齊卒

歸父弟為兄後
四世成十四

莊公之族一氏
書卒者二

公弟叔肝卒

惠伯也文公之
子四世宣十七

○公孫嬰齊卒于狸

服

聲伯也叔肝之
子六世成十七

○叔老卒

齊子也嬰齊之子
七世襄二十二

○叔弓卒

敬子也老之子
八世昭十四

○叔輒卒

弓之子九
世昭二十

○叔鞅卒

弓之子九世
昭二十三

○叔詣卒

輒之子十
世昭二十

九 ○叔還詣之 ○叔青還之
子十一世 子十二世

文公之族一氏
書卒者七

以上書魯臣之卒者三十一人趙氏曰卿不書葬
降於君也魯卿凡四十三人書族而不書卒者五
公子慶父公子翬單伯公子結叔彭生也啖氏曰
柔弱不書卒非命卿也公孫歸父叔孫僑如不書
卒出奔故也仲孫何忌叔孫州仇叔還
獲麟時卒也餘三十一人並書卒

		氏孫季	氏孫叔
	氏仲	友季	牙
	遂仲	逸無	茲
氏叔	父歸	父行	臣得
肸叔	齊嬰	宿	豹如僑
齊嬰		紇	嫪
老		如意	敢不
弓		斯	仇州
鞅輒		肥	舒
詣			
還			
青			

齊王姬卒

莊二

以上書王女之卒者一穀梁傳曰為之主者卒之
啖氏曰魯主昏公為之服故書卒不書者不為之
服也登按禮記云齊告王姬之喪魯莊公為之大
功詳記文之意則禮經本無為王姬服之禮莊公
因齊之來告喪持為之服姊妹
之服以媚齊也故書以譏其非

紀伯姬卒

莊四

齊侯葬紀伯姬

同上

紀叔姬卒

莊二
十九

葬紀叔姬

莊三
十

伯姬卒

傳九

鄆季姬卒

僖十
六

子叔姬卒

文十

杞叔姬卒

成八

宋伯姬卒

襄三十

葬宋共姬

同上

以上書魯女之卒者七書葬者三啖氏曰內女之葬不書書者皆非常也登按內女之卒其書者亦皆非常啖氏但以爲嫁爲諸侯之夫人尊同則公爲之服故書考經意蓋有未然者

葬

各已附見于崩薨卒之下

含襚賵賻

王使榮叔歸含且贈天王使宰咺來歸惠公仲子之贈秦人來歸僖公成風之襚武氏子來求購並已見前人紀篇天王下賓禮篇來例之末今不重出

奔喪會葬

邾子來奔喪

定十
五

滕子來會葬

襄三十一
○定十五

王使叔服來會葬王使召伯來會葬已見人紀篇天王下賓禮篇來例之末今不重出

春秋纂言總例卷六

欽定四庫全書

春秋纂言總例卷七

元 吳澄 撰

吉禮

郊

四月三卜郊不從乃免牲

裏七

四月四卜郊不從乃免牲

僖三十一

四月四卜郊不從乃不郊

襄十一

四月四卜郊不從乃不郊

成十

正月郊牛之口傷改卜牛牛死乃不郊

宣三

正月麋鼠食郊牛角改卜牛麋鼠又食其角乃免

牛不郊

成七

正月麋鼠食郊牛牛死改卜牛四月辛亥郊

成十四

正月麋鼠食郊牛角改卜牛四月辛巳郊

哀元

九月辛丑用郊

成十七

經書天神之祀此其一趙氏曰郊者天子所以事上帝也魯曷為有之成王尊周公故錫天子之禮不於日至邇王宣也卜用夏正於農耕之始也啖氏曰天子以冬至祭上帝又以夏之孟春祈穀於上

帝謂之郊魯以周公之故得以孟春祈穀於郊郊
皆用辛二月卜三月上辛不吉則卜中辛又不吉
則卜下辛陸氏曰卜三旬皆不吉則不郊凡牲必
養二牲一以祀上帝一以祀后稷帝牛有變則改
卜稷牛以代之而別以他牛為稷牛者卜稷牛不
吉及稷牛又死亦皆不郊凡不郊皆卜免牲卜免
牲吉則免之不吉則但不郊而已不敢免繫牲待
明年元牲時不用未成牲曰卜牲傷者亦曰牛澄
按經之書郊者九龜建者四牛災者四非時大不
敬者一蓋魯郊雖僭然行之已久視為常事故亦
不書惟卜之不從牛之有變及時之大異於常而
後書因以見其僭郊之非禮也三卜不從而不郊
正也三不吉而至四卜四不吉而乃免牲潰甚矣
牛災洵作亦可見魯郊之僭鬼神亦弗之與也四
月之郊固為不時然猶是夏時之春也九月則孟
秋建申之月豈郊之時乎不卜日不卜牲而彊用

其禮焉故特書曰用非
時之甚不敬之大也

雩

大雩

二十

七月上辛大雩一季辛大雩附趙氏曰季
辛不言大從上文可知也昭二十五

八月大雩四○僖十一○襄二
十八○昭三○昭二十

九月大雩七○僖十三○襄八○襄十
七○昭六○昭十六○定元○定七

秋大雩七○桓三○成三○襄五○
襄十六○昭八○定七○定十二

冬大雩一
○成七

經書天神之祀此其二雩祀為祈澤設諸侯雩于境內山川則祭地示也唯天子雩于上帝者為祀天神魯郊既僭王禮故其雩祀亦僭王禮經特書曰大雩以表其為天子祀上帝之雩而非諸侯祭山川之雩也左傳謂龍見而雩過則書龍見者孟夏建巳之月經無書六月雩者蓋得禮則不書七月八月九月則皆過時故書也書秋者史失其月然不出乎七八九之三月書冬則建酉之月穀已成熟尤為非時也魯有舞雩壇蓋祀帝于壇如郊焉而用盛樂歌舞於壇上故名其壇為舞雩而日亦如郊之用辛也月令大雩帝在仲夏彼蓋秦禮與古異

社

日食鼓用牲于社

莊二十五○莊三十○文十五

大水鼓用牲于社于門

莊二
十五

經書地示之祭此其一社者祭地示也其祭存常祭其日有常日其事為常事故皆不書經所書社凡四非為社書也以遭日食大水之變而乃用牲于社為非禮故書爾

望

乃免牲猶三望

僖三
十一

乃不郊猶三望

宣
三

乃免牛不郊猶三望

成
七

經書地示之祭此其二望者望祭山川也天子祭四望謂望東西南北四方之山川而祭之每郊祀

上帝必望祭山川天子郊禮畢則祭四望魯諸侯也
以成王之賜雖許用王禮然郊祀不得用冬至而
但得為孟春之郊郊後不得祭四望而闕其一
方但祭三望皆殺於王禮也望祭在郊祀之後因
郊而望也郊禮既廢則望禮可以不舉魯既不郊
而猶三望故書以譏其非傳云猶者可以已之辭
也又云不郊亦無望可也

禘

禘于太廟

禘者廟享之大禮自昔帝王之興推其
基業功德之所起者為太祖太祖居第

一廟曰太廟其尊蔑以加矣猶以報本反始之
意為未足又推太祖之所自出追享于太祖之
廟而太祖降居子孫之位以配食是之謂禘后
稷為周太祖后稷出自帝嚳故禘嚳於太祖后

稷之廟而以后稷配魯也成王賜魯得禘則以文王為周公所自出故禘文王於太祖周公之廟而以周公配文王也逸禮有禘于太廟禮今篇名存而其禮亡用致夫人于太廟之禮雖大然經不書所以書者因用致夫人之非禮而書也用致夫人義見經註此不重

釋傳

○吉禘于莊公

夫禘者追享無廟之上世位于太廟之尊位而本廟

之正主降居卑位以配食也此乃享新祔之莊公于其廟而已非別有所追饗而降莊公為配食也然則何以謂之禘欲尊莊公故僭用禘禮之盛樂於其廟而因名之曰禘爾非禘而曰禘書之以見僭用禘樂竊用禘名之罪喪未二十七月而遽吉祭故加吉字於禘之上新祔未可以稱宮故不曰莊宮而曰莊公其時閔公幼事出亂臣淫妻之所為無知不孝非禮非義而其

名非實一舉而五惡具書法五
字諸罪畢見真聖筆也閔二

經書人鬼之享此其一按吉禘于莊公有禘之名
無禘之實雖是僖公以前事因其竊用禘名而附
于僖公禘太廟之
後以著其非焉

禘

大事于太廟

大事者禘也禘亦廟享之大禮亞於
禘者也天子四親廟之上有二祫廟

四親二祫為三昭三穆與太祖之廟而七二祫
之上親盡廟毀不與時享矣若有功德則別立
為宗其廟百世不毀與太祖同非百世不毀之
宗者其主皆藏於太廟之夾室三年一祫則大
祖而下祫廟而上毀廟之主皆合食於太廟是
之謂祫斯禮也天子有之諸侯則否魯既得禘

又得祫是以毀廟之主亦有時合食於太祖之廟經所書大事于太廟是也先儒名此禮為大祫蓋以又有時享之祫故加大字以別於時祫有祫者四親廟之主共享于太廟而毀廟之主不與也今正其名不以時享之祫為祫惟此大祫得專祫之名既專其名則不須加大字以別也躋僖公所以書者因躋僖公之非禮而書也

文
二 ○ 從祀先公

從者順也先公謂閔僖二公也文公時躋僖公於閔公之上後

君位于前前君位于後是為逆祀今再復閔公位僖公之上而昔之逆者順矣故曰從祀定八經書人鬼之享此其二因躋僖公而附從祀先公於後以備一事之始終

時享

六月辛巳有事于太廟

大事者祫享之大禮也有事者時享之常禮也先儒

名此為時祫禮記孔氏疏云迎高曾祖禰於太祖之廟合祭秦漢楊氏云為四時禴祠烝嘗祭羣廟禮煩乃於太祖之廟合高曾祖禰之主共祭之澄按時享之禮或分享於五廟或合享於太廟分享煩而難合享簡而易合享則書有事于太廟分享則書四時祭名或分或合均為時享故今謂此禮不得名為祫也

仲遂卒于垂壬午猶繹萬入去

禘

有事于太廟常事不書為卿卒猶繹之非禮而書也宣八年

二月癸酉有事于武宮

諸侯惟祭禘祖曾高四親廟成公之時宣公父公僖

公閔公為親廟上距武公十二世矣廟已久毀乃於戰韋之後復祭其廟武公既有廟則亦以

時而行享禮故書有事于武宮

篇八叔弓卒去樂卒事

有事于武宮本

不書因為叔弓卒於祭所其事非常故書昭十五

正月己卯烝五月丁丑烝

建子之月冬烝得禮無議為下建辰之月再烝

非時而黷祀故先書正月之烝以起下文桓八

八月壬申御廩災乙亥嘗

趙氏曰識不時又不敗卜也澄按不時謂夏之

季夏而秋嘗也敗卜謂御廩災之後當用敗卜次月之日也桓十四

經書人鬼之享此其三按王制所紀四時禴祠烝嘗之禮或特或祫程子云祭諸廟禮煩故每年四祭之中三祭合食於祖廟張子云天子七廟一日而行則力不給故禮有一特一祫之說特則祭一

禘則禘祭春祭高祖夏禘羣廟秋祭曾冬又禘來
春祭祖夏又禘秋祭禘冬又禘秦溪楊氏云張子
一特一禘之說雖可通但言特者只祭一廟遺其
餘廟恐有所不安不若程子之言簡而意備澄謂
程子之言雖簡而意亦未備蓋不言七廟之享是
一日而行禮乎抑各日而行禮乎一日行禮則力
不給若各日行禮諸廟皆須卜日齋戒必兩三月
始可畢七廟之祭若諸廟不復卜日齋戒但連日
接續行禮亦精神困憊無復可交神明今以張子
特則祭一之說而釋之曰祭一者謂人君自祭此
一廟也餘廟則大臣攝行其人君自祭之廟今年
一時祭高一時祭曾明年一時祭祖之時祭禘周
而復始四時四享一年特祠特嘗一年特禴特烝
不專是春秋特而夏冬禘也如此庶幾近之又按
有事于武宮叔弓蒞事亦是以臣攝行君
不在也姑附論于此俟精深於禮者議之

廟

公羊傳曰周公稱太廟魯公稱世室羣公稱宮

卷七

取郛大鼎于宋納于太廟

桓二

經書太廟者四其
三見前并此凡四

世室屋壞

文十
三

經書世室者一左氏穀梁
世作大非也今從公羊

立煬宮

定元

○立武宮

成六

○丹桓宮楹

莊二十
三

○刻桓

宮桷

莊二十四

○桓宮僖宮災

哀三

○新宮災

成三

○考

仲子之宮

隱五

經書宮者八場宮一武宮二其一見前
桓宮三僖宮一新宮一仲子之宮附見

主

作僖公主

此主謂栗主也桑主作於虞祔之時栗主作於小祥之時既有栗主則埋其桑

主僖公三十三年十二月薨文公元年十二月
及一暮矣二年二月喪已十一月始作栗主怠
慢於喪事無孝敬之心
也文二年三月丁丑

天子諸侯之廟享必有主
故以此附於宮廟之後

告朔

閏月不告朔猶朝於廟

趙氏曰天子常以今年冬
頒明年正朔於諸侯諸侯

受之每月奉月朔甲子以告于廟所謂稟正朔也文公以閏非正不行告朔禮但其朔日至

廟拜謁而已不告朔而

至廟謁故識之文六

○五月公四不視朔

文公

齊昭公之壻也文十四年齊昭公卒其弟懿公商人弑昭公之子舍而篡立執魯臣魯女以辱

魯又侵伐不已文公遣季文子往求盟齊懿弗與之盟要文公親出文公憚於一往託為有疾

以詐齊而不視其年二月三月四月五月之朔詐稱有疾不能出乃遣襄仲納賂求盟而後得

盟既盟之後又復來伐至十七年文公強勉一出親與齊懿盟而後得免侵伐次年齊懿被弑

矣視朔者告朔朝廟畢退而視朝聽政也前時閏月雖不告朔而朝廟聽政自若今既詐齊而


不視朔則不告朔不朝廟可知文十六

告朔者一月一至大廟
也故亦附於宮廟之後

初獻六羽隱五

肆大胥莊二十二

以上事之無例可附者二
附經八十八例之終云



春秋纂言總例卷七